

Lima pusat pelacuran, 2 pusat hiburan ditutup

KUALA LUMPUR – Kegiatan maksiat di ibu kota terus dibanteras habis-habisan apabila lima pusat pelacuran dan dua pusat hiburan digempur dalam operasi di sekitar Kuala Lumpur kelmarin.

Tindakan Khas (Operasi Pusat Pelacuran dan Pusat Hiburan) itu dijalankan Dewan Bandaraya Kuala Lumpur (DBKL).

DBKL dalam satu kenyataan memaklumkan, sebanyak lima pusat pelacuran serta dua pusat hiburan telah dikenakan tindakan tutup serta-merta di bawah Akta Kerajaan Tempatan 1976 dan Akta Hiburan (WPKL) 1992.

"DBKL juga turut mengeluarkan enam notis kompaun di bawah UUK (Undang-Undang Kecil) Pelesenan Tred, Pernia-

gaan dan Perindustrian (WPKL) 2016 dan UUK Pelesenan Peempatan Makanan (WPKL) 2016.

"Selain itu, lima notis penguatkuasaan di bawah Akta Jalan, Parit dan Bangunan 1974 serta 3 Notis Pemberitahuan Tentang Kesalahan di bawah Akta Hiburan (WPKL) 1992," katanya.

DBKL turut memaklumkan, pihaknya telah merobohkan struktur dalaman pusat pelacuran yang didirikan tanpa mendapat kelulusan dan menyita segala barangan yang berkaitan dengan perniagaan.

Tegasnya, kesemua barangan yang disita telah dibawa ke Setor Sitaan Jalan Lombong, Taman Miharja Cheras, Kuala Lumpur untuk tindakan rekod dan dokumentasi.



STRUKTUR haram dibina dalam premis pelacuran dirobuhkan dalam Operasi Tindakan Khas DBKL sekitar Kuala Lumpur kelmarin.